

SKUPŠTINA KANTONA SARAJEVO

Z A P I Š N I K
PRVE RADNE SJEDNICE SKUPŠTINE KANTONA SARAJEVO,
održane u ponedjeljak, 23. marta 2015. godine sa početkom rada u 10,00 sati

Sarajevo, mart 2015.

NA PRVOJ RADNOJ SJEDINICI SKUPŠTINE KANTONA SARAJEVO PRISUSTVOVALI SU POSLANICI/ZASTUPNICI:

STRANKA DEMOKRATSKE AKCIJE

1. Ademović Kemal
2. Čelik Mirza
3. Čomor Eldar
4. Delalić Sabahudin
5. Dovadžija Amar
6. Konaković Elmedin
7. Kozadra Muhamed
8. Mašović Amor
9. Okerić Elmedin
10. Prevljak Fikret

DEMOKRATSKA FRONTA – ŽELJKO KOMŠIĆ

1. Akšamija Goran
2. Avdibegović Neira
3. Bukva Sejo
4. Kerla Bibija
5. Omerbegović Mersiha
6. Pindžo Mirsad
7. Vukasović Mario

SAVEZ ZA BOLJU BUDUĆNOST – FAHRUDIN RADONČIĆ

1. Babić Ana
2. Bajrović Izudin
3. Filipović Selma
4. Jusko Ismir
5. Marić Zvonko
6. Rađo Dževad
7. Solaković Adnan

SOCIJALDEMOKRATSKA PARTIJA BOSNE I HERCEGOVINE

1. Srna Bajramović Srna
2. Šućur Slaviša

NAŠA STRANKA

1. Ćudić Sabina
2. Forto Edin
3. Kojović Predrag

BOSANSKA STRANKA – MIRNES AJANOVIĆ

1. Haris Pleho
2. Rasim Smajić

BOSANSKOHERCEGOVAČKA PATRIOTSKA STRANKA – SEFER HALILOVIĆ

1. Halilović Semir

SAMOSTALNI ZASTUPNICI/POSLANICI

1. Aljović Hamed

2. Mekić Amel
3. Bjelak Nermin

TOK SJEDNICE

Prvu Radnu sjednicu Skupštine Kantona Sarajevo 23. marta 2015.godine u 10,00 sati, otvorio je predsjedavajući Sejo Bukva.

Prema evidenciji Službe, sjednici je prisustvovalo 35 poslanika.

Prijedlog dnevnog reda Prve Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 23.02.2015.godine.

UTVRĐIVANJE DNEVNOG REDA

Na osnovu člana 73. Poslovnika Skupštine Kantona Sarajevo („Službene novine Kantona Sarajevo“ – (Drugi novi prečišćeni tekst, br: 41/12, 15/13 i 47/13), Kolegij Skupštine Kantona Sarajevo, dana 19.03.2015.godine, prihvatio je zahtjev Komisije za izbor i imenovanja i administrativna pitanja Skupštine Kantona Sarajevo da se Prijedlog dnevnog reda Prve Radne sjednice, dopuni sljedećim tačkama :

1. *Prijedlog odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo; (razmatrat će se kao tačka 3.)*
2. *Prijedlog odluke o imenovanju predsjednika, zamjenika predsjednika i članova Odbora za javna priznanja Kantona Sarajevo; (razmatrat će se kao tačka 4.)*
3. *Prijedlog odluke o imenovanju zamjenika pravobranioca Pravobranilaštva Kantona Sarajevo; (razmatrat će se kao tačka 5.)*

Prijedlog dnevnog reda

1. *Poslanička/zastupnička pitanja i inicijative;*
2. *Prijedlog odluke o potvrđivanju Vlade Kantona Sarajevo;*
3. *Prijedlog odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;*
4. *Prijedlog odluke o imenovanju predsjednika, zamjenika predsjednika i članova Odbora za javna priznanja Kantona Sarajevo;*
5. *Prijedlog odluke o imenovanju zamjenika pravobranioca Pravobranilaštva Kantona Sarajevo.*

Prije samog izjašnjavanja o dnevnom redu, primjedbu na predloženi dnevni red je imalo nekoliko poslanika pa je u dnevnom redu izvršena izmjena tako da je tačka 1. Poslanička/zastupnička pitanja i inicijative pomjerena na kraj dnevnog reda kao tačka 5. a Prijedlog odluke o potvrđivanju Vlade Kantona Sarajevo umjesto tačka 2. postao je tačka 1. U raspravi oko dnevnog reda su učestvovali sljedeći poslanici/zastupnici: Segmedina Srna Bajramović, Predrag Kojović, Adnan Solaković, Mirsad Pindžo, Zvonko Marić i Izudin Bajrović.

Skupština Kantona Sarajevo je većinom glasova (21 glasa “za”) za Prvu Radnu sjednicu utvrdila sljedeći

DNEVNI RED:

1. *Prijedlog odluke o potvrđivanju Vlade Kantona Sarajevo*
2. *Prijedlog odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;*
3. *Prijedlog odluke o imenovanju predsjednika, zamjenika predsjednika i članova Odbora za javna priznanja Kantona Sarajevo*
4. *Prijedlog odluke o imenovanju zamjenika pravobranioca Pravobranilaštva Kantona Sarajevo;*
5. *Poslanička/zastupnička pitanja i inicijative.*

Nakon usvajanja dnevnog reda predsjedavajući je informisao poslanike da se zapisnici Konstituirajuće i Prve hitne sjednice Skupštine Kantona Sarajevo povlače i da neće ići na izašnjavanje.

Nadalje, predsjedavajući je informisao poslanike da je dobio obavijest od zastupnika Amela Mekića, Hameda Aljovića i Nermina Bjelaka da će u Skupštini Kantona Sarajevo od 23.03.2015.godine djelovati kao samostalni zastupnici i da zastupnici političke stranke BOSS i samostalni zastupnik Nermin Bjelak formiraju Klub pod nazivom Klub zastupnika BOSS i samostalni zastupnik Nermin Bjelak sa Harisom Plehom kao predsjednikom kluba.

AD - 1.

PRIJEDLOG ODLUKE O POTVRĐIVANJU VLADE KANTONA SARAJEVO

Prijedlog navedene Odluke i biografije kandidata poslanici su dobili u dopunskom materijalu za sjednicu.

Predsjedavajući je podsjetio da je po prijedlogu Kluba zastupnika SDA, a na osnovu člana 203. stav 2. Poslovnika Skupštine Kantona, uz konsultaciju sa dopredsjedavajućim, donio Odluku o imenovanju kandidata za mjesto premijera Kantona Sarajevo gđina Elmedina Konakovića, dana 23.02.2015.godine. Nadalje, predsjedavajući je informisao da kandidat za mjesto premijera Kantona Sarajevo u skladu sa članom 204. stav 1. Poslovnika Skupštine Kantona Sarajevo dostavlja predsjedavajućem Skupštine prijedloge kandidata za ministre i da je Elmedin Konaković navedene prijedloge dostavio 18.03.2015.godine, i isti su proslijeđeni Komisiji za izbor i imenovanje i administrativna pitanja Skupštine Kantona, koja utvrđuje prijedlog odluke o potvrđivanju Vlade Kantona Sarajevo.

Komisija za izbor i imenovanje i administrativna pitanja je na svojoj sjednici od 19.03.2015.godine utvrdila Prijedlog odluke o potvrđivanju Vlade Kantona Sarajevo.

Usljedio je izlaganje ekspozea kandidata za premijera Elmedina Konakovića.

U raspravi po ekspozeu učestvovali su sljedeći poslanici/zastupnici: Adnan Solaković, Zvonko Marić, Selma Filipović, Slaviša Šućur, Izudin Bajrović, Ismir Jusko, Sabina Ćudić, Semir Halilović, Kemal Ademović i Edin Forto. Navedeni poslanici/zastupnici su dali komentare i postavili pitanja za mandatara Vlade Elmedina Konakovića.

Predsjedavajući je zaključio raspravu i pozvao mandatara Elmedina Konakovića da poslanicima da odgovore na postavljena pitanja.

NAKON IZLAGANJA ELMEDINA KONAKOVIĆA, PREDSJEDAVAJUĆI JE POZVAO POSLANIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU VLADE KANTONA SARAJEVO U CJELINI, U SKLADU SA ČLANOM 205. STAV 1 POSLOVNIKA SKUPŠTINE KANTONA SARAJEVO.

SKUPŠTINA JE VEĆINOM GLASOVA (22 “ZA” I 13 “PROTIV”) DONIJELA ODLUKU O POTVRĐIVANJU VLADE KANTONA SARAJEVO U SASTAVU KOJI JE I PREDLOŽEN:

Elmedin Konaković, premijer

1. Enver Smajkan – Ministarstvo pravde i uprave;
2. Čedomir Lukić – Ministarstvo prostornog uređenja, građenja i zaštite okoliša;
3. Senad Hasanspahić – Ministarstvo komunalne privrede i infrastrukture;
4. Mujo Fišo – Ministarstvo saobraćaja;
5. Predrag Kurteš – Ministarstvo unutrašnjih poslova;
6. Muharem Šabić - Ministarstvo privrede;
7. Jasmin Halebić - Ministarstvo finansija;
8. Emira Tanović-Mikulec - Ministarstvo zdravstva;
9. Elvir Kazazović - Ministarstvo za obrazovanje, nauku i mlade;
10. Samer Rešidat - Ministarstvo kulture i sporta;
11. Karolina Karačić – Ministarstvo za rad, socijalnu politiku, raseljena lica i izbjeglice;
12. Muharem Fišo– Ministarstvo za boračka pitanja.

Iskazivanjem povjerenja premijeru i članovima Vlade Kantona Sarajevo stekli su se uslovi za davanje svečane izjave, koju je čitao predsjedavajući Skupštine a članovi Vlade ponavljali:

„SVEČANO IZJAVLJUJEM DA ĆU POVJERENU DUŽNOST OBAVLJATI SAVJESNO, PRIDRŽAVATI SE USTAVA I ZAKONA BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO, ZALAGATI SE ZA LJUDSKA PRAVA I SLOBODE I DA ĆU U SVIM PRILIKAMA ŠTITITI INTERESE BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO I RAVNOPRAVNOST NARODA I GRAĐANA KOJI U NJIMA ŽIVE“.

Nakon davanja svečane izjave, uslijedila je pauza u trajanju od sat vremena.

NASTAVAK NAKON PAUZE

AD – 2.

PRIJEDLOG ODLUKE O IZBORU PREDSEDAVAJUĆIH, ZAMJENIKA PREDSEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO

Prijedlog odluke poslanici su dobili u dopunskom materijalu.

OBZIROM DA PREDLAGAČ NIJE IZNOSIO UVODNE NAPOMENE I DA NIJE BILO PRIJAVLJENIH ZA RASPRAVU PRISTUPILO SE IZJAŠNJAVANJU O PRIJEDLOGU ODLUKE O IZBORU PREDSEDAVAJUĆIH, ZAMJENIKA PREDSEDAVAJUĆIH I ČLANOVA RADNIH TIJELA, SKUPŠTINE KANTONA SARAJEVO.

PREDSEDAVAJUĆI JE KONSTATOVAO DA JE SKUPŠTINA JEDNOGLASNO (31 "ZA") DONIJELA ODLUKU O IZBORU PREDSEDAVAJUĆIH, ZAMJENIKA PREDSEDAVAJUĆIH I ČLANOVA RADNIH TIJELA, SKUPŠTINE KANTONA SARAJEVO.

AD – 3.

PRIJEDLOG ODLUKE O IMENOVANJU PREDSEDNIKA, ZAMJENIKA PREDSEDNIKA I ČLANOVA ODBORA ZA JAVNA PRIZNANJA KANTONA SARAJEVO

Prijedlog odluke poslanici su dobili u dopunskom materijalu.

PRISTUPILO SE IZJAŠNJAVANJU O PRIJEDLOGU ODLUKE O IMENOVANJU PREDSEDNIKA, ZAMJENIKA PREDSEDNIKA I ČLANOVA ODBORA ZA JAVNA PRIZNANJA KANTONA SARAJEVO.

PREDSEDAVAJUĆI JE KONSTATOVAO DA JE SKUPŠTINA JEDNOGLASNO (32 "ZA") DONIJELA ODLUKU O IMENOVANJU PREDSEDNIKA, ZAMJENIKA PREDSEDNIKA I ČLANOVA ODBORA ZA JAVNA PRIZNANJA KANTONA SARAJEVO.

AD – 4.

PRIJEDLOG ODLUKE O IMENOVANJU ZAMJENIKA PRAVOBRANIOCA PRAVOBRANILAŠTVA KANTONA SARAJEVO

Prijedlog ove Odluke poslanici su dobili u dopunskom materijalu.

ZA RASPRAVU NIJE BILO PRIJAVLJENIH PA SE PRISTUPILO IZJAŠNJAVANJU O PRIJEDLOGU ODLUKE O IMENOVANJU ZAMJENIKA PRAVOBRANIOCA PRAVOBRANILAŠTVA KANTONA SARAJEVO.

PREDSJEDAVAJUĆI JE KONSTATOVAO DA JE SKUPŠTINA JEDNOGLASNO (32 "ZA") DONIJELA ODLUKU O IMENOVANJU ADEMA FESTIĆA ZA ZAMJENIKA PRAVOBRANIOCA PRAVOBRANILAŠTVA KANTONA SARAJEVO.

Prije stupanja na dužnost zamjenik pravobranioca dao je Svečanu izjavu kako slijedi:

„IZJAVLJUJEM DA ĆU SE U VRŠENJU SLUŽBE ZAMJENIKA PRAVOBRANIOCA PRIDRŽAVATI USTAVA I ZAKONA BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO I DA ĆU SLUŽBU VRŠITI SAVJESNO“.

AD – 5.

POSLANIČKA/ZASTUPNIČKA PITANJA I INICIJATIVE

Predsjedavajući je podsjetio poslanike/zastupnike na odredbe Poslovnika Skupštine Kantona Sarajevo vezano za poslanička/zastupnička pitanja i inicijative i naglasio da će Vladin sat trajati do 15 sati i 46 minuta.

Poslanik/zastupnik Adnan Solaković postavio je sljedeće poslaničko/zastupničko pitanje:
“Obratila nam se grupa građana RVI i civilnih žrtava rata u vezi prava na korištenje parking mjesta obilježenih za vozila sa vidno postavljenom jedinstvenom parking naljepnicom za tu vrstu parking mjesta, a koju izdaje MUP. Problem su nesavjesni vozači koji parkiraju vozila koja su obilježena sa nevažećim naljepnicama ili raznim akreditacijama, te ova grupa građana veoma često nema mjesta na tim parkinzima. Ovako često uzurpiranje navedenih mjesta, dovodi do diskriminacije invalida od strane zdravih ali nesavjesnih vozača. Stoga, tražimo od nadležnih i MUP-a da u redovnim poslovima na terenu obilaze parking mjesta, te sankcionišu parkirana vozila bez adekvatne validne naljepnice koju izdaje MUP-ov odjel za registraciju vozila na osnovu Pravilnika o načinu obilježavanja vozila kojim upravlja osoba sa oštećenjem ekstremiteta. Razumijemo složenu sigurnosnu situaciju u Kanton Sarajevo te da je ovaj slučaj od manjeg značaja ali za invalide je ovo vrlo ozbiljan problem te smatramo da ga je moguće riješiti.”

Poslanik/zastupnik Izudin Bajrović je uputio inicijativu Ministarstvu obrazovanja nauke i mladih:

“U vremenu kada je naše društvo u opštoj tranziciji, kada je naš narod, a pogotovo mladi ljudi u potrazi za indentitetom, i kada u toj potrazi često krenu pogrešnom i opasnom stranputicom, kada su manipulacije svake vrste moguće i svakodnevne, kada su vrijednosti prema kojima se vodimo vrlo upitne, smatram da obrazovanje nikada nije bilo nasušnija potreba, za čije jačanje bi svi mi trebali da udružimo snage. U takvom trenutku, naša vlast je dozvolila da resor obrazovanja skoro dvije godine ostane bez ministra, što ja nikako ne mogu shvatiti kao slučajnost, već naprotiv, kao svjesnu (zlo)namjeru. Stoga, od novog ministra ili novoizabranog ministra, izvinjavam se, tražim da napravi jedan sveobuhvatan i objektivan uvid u stanje obrazovnih ustanova na području Kantona na svim nivoima, dakle predškolsko, osnovno, srednje i visoko, te da isti u vidu izvještaja dostavi ovoj Skupštini na uvid kako bi smo imali uvid u stepen devastiranost našeg obrazovnog sustava.”

Poslanik/zastupnik Goran Akšamija je predložio sljedeći zaključak da ga Skupština usvoji i

Skupština je sa 33 “za” usvojila sljedeći

ZAKLJUČAK:

“Skupština Kantona Sarajevo zadužuje Vladu Kantona Sarajevo da bez odlaganja poduzme sve potrebne aktivnosti i uputi zahtjev Finansijskoj policiji FBIH za provođenje kontrole poslovanja javnih preduzeća i javnih ustanova čiji je osnivač ili suosnivač Kanton Sarajevo.”

Obrazloženje:

“U cilju rješavanja problema u javnim preduzećima u Kantonu Sarajevo, Skupština i Vlada Kantona Sarajevo moraju detektovati probleme u poslovanju pojedinačnih subjekata a posebno one koji su proizašli iz nezakovitosti u radu. Stoga je neophodno da Skupština i Vlada Kantona Sarajevo u okviru svojih nadležnosti, sankcionišu eventualno nedomaćinsko upravljanje, kriminal i korupciju u javnim preduzećima i javnim ustanovama u kojim ih finansijska policija kao zakonski ovlašteno, stručno i politički nepristrasno tijelo utvrdi. Obzirom na ograničene kapacitete u pogledu broja izvršilaca u Finansijskoj policiji, te da je u pojedinim javnim preduzećima Kantona Sarajevo već obavila ili započela obavljanje kontrole poslovanja Vlada Kantona Sarajevo će u dogovoru sa rukovodstvom Finansijske policije utvrditi dinamiku izvršenja ovog zaključka i o istom kao i o rezultatima kontrole od strane Finansijske policije informisati skupštinu Kantona Sarajevo.”

Na prijedlog poslanice/zastupnice Mersihe Omerbegović Skupština je većinom glasova (28 “za”, 2 “protiv”) usvojila sljedeći

ZAKLJUČAK:

“Zadužuje se Vlada Kantona Sarajevo da u roku od 30 dana pripremi i u skupštinsku proceduru uputi Nacrt zakona o državnoj službi u Kantonu Sarajevo” uz sljedeće obrazloženje:

Dosadašnja primjena federalnom Zakona o državnoj službi u Kanton Sarajevo je samo prelazna mjera i u tom pogledu neophodno je donijeti kantonalne propise kojima će se upotpuniti rad državne službe u Kanton Sarajevo. U tom pravu sugerise se Vladi Kantona Sarajevo da zakonom ne predviđa osnivanje nove agencije za državnu službu na nivou Kantona Sarajevo već da u saradnji sa nadležnim organima u FBIH dogovore i propišu da se registar i ostale radnje vezane za državnu službu obavljaju jedinstveno na nivou FBIH. Dalje, da zakonom propišu način izbora državnih službenika u pravcu izbora po redosljedu uspješnosti a ne sa liste uspješnih sve u cilju pravičnosti postizanja transparentnijeg izbora državnih službenika i efikasnijeg rada u državnoj službi. Jasnije konkretnije u kraćim rokovima propiše ocjenjivanje i utvrđivanje odgovornosti državnih službenika

za rad odnosno nerad i propiše jasne zakonske procedure za imenovanje rukovodećih državnih službenika njihovo postavljenje, raspoređivanje, i razrješenje. Molim skupštinu da se i o ovom zaključku izjasni. Zahvaljujem.

Na prijedlog poslanice/zastupnice Neire Avdibegović, Skupština je jednoglasno (30 “za”) donijela sljedeći

ZAKLJUČAK:

“Skupština Kantona Sarajevo zadužuje Vladu Kantona Sarajevo da bez odlaganja poduzme sve potrebne aktivnosti i uputi zahtjev Uredu za reviziju institucija u FBiH da izvrši kontrolu i uradi reviziju učinka u javnim preduzećima čiji je osnivač Kanton Sarajevo.”

Poslanik/zastupnik Bibija Kerla je postavila poslaničko/zastupničko pitanje:

“Zašto Javna ustanova “Apoteke Sarajevo” nije u sistemu elektronskih recepata i ne pruža građanima usluge izdavanja lijekova, ortopedskih i ostalih pomagala što dovodi ustanovu koja je u vlasništvu Kantona Sarajevo u neravnompravan položaj u odnosu na privatne apoteke?”

Obrazloženje: “Uposlenici Javne ustanove “Apoteke Sarajevo” i dugogodišnji korisnici njihovih usluga žele da znaju razlog zbog kojeg nisu uvedeni elektronski recepti u poslovnim jedinicama Opštine Stari Grad, Ilijaš i Vogošća. Ovi recepti su već više od tri mjeseca implementirani u Starom Gradu a prije otprilike mjesec Vogošći i Ilijašu što se i te kako odrazilo na pad broja recepata u komercijalne prodaje. Ljekari porodične medicine i uposlenici Zavoda zdravstvenog osiguranja upućuju pacijente u privatne apoteke da realizuju preuzimanje lijekova, trakica za mjerenje šećera u krvi i ostalih ortopedskih pomagala. Zamislite situaciju da uposlenici Javne ustanove Apoteke Sarajevo moraju preuzimati svoje propisane terapije lijekova i pomagala u privatnim apotekama. Apsurd koji zaslužuje odgovor i reakciju odgovornih za stanje u Javne ustanove Apoteke Sarajevo. Projekat elektronskih recepata se prema najavi Ministarstva zdravstva i Zavoda zdravstvenog osiguranja nastavlja i u ostalim opštinama u narednom periodu, pa je neprihvatljiva neopravdana situacija u kojoj su iz meni nepoznatni razloga Javne ustanov Apoteke Sarajevo i njeni uposlenici dovedeni u podređeni položaj u odnosu na privatni apotekarski sektor. Svima vama je poznato da je Skupština Kantona Sarajevo osnivač i sto postotni vlasnik Javne ustanove Apoteke Sarajevo.”

Poslanica/zastupnica Selma Filipović je pokrenula sljedeću inicijativu: “Svjedoci smo svakodnevnog povećanja svih oblika kriminala u Kantonu Sarajevo. Sarajevo polako, ali sigurno postaje grad u kojem nije sigurno se kretati ulicom, zbog svakodnevnih pucnjava, u kojem ne smijete parkirati auto ispred zgrade jer vam može biti otuđeno, ujedno se i pitam zašto u Kanton Sarajevo broj otuđenih vozila duplo veći u odnosu na FBiH? Da li je to neki problem u policiji, politici, Tužilaštvu, strahu, neznanju ili sprezi, grad u kome dijete na ulici ne smije uzeti mobilni telefon da se javi jer može biti oteto, gdje horde prosjaka i besposlenih vuku za rukav i traže marku kako bi je odnijeli šefu i time osigurali sebi hranu i smještaj. Gdje je u svemu tome naša policija? Šta je sa silnim strategijama o smanjenju kriminala, maloljetničkoj delikvenciji, o povećanju broja zaposlenih policajaca u Kantonu Sarajevo, njihovoj boljoj opremljenosti, nabavka specijalne opreme, velikom novcu koji se troši iz budžeta bilo kantonalnog ili federalnog. Sve te aktivnosti bi trebale imati za rezultat da Kanton Sarajevo ima pod kontrolom i smanjenju stopu kriminaliteta. Ovo više nije isključivo stručno policijsko pitanje, ovo je široko društveno pitanje na koje se mora dati adekvatan odgovor i to ne samo policije već i drugih struktura, socijalni rad, školstvo, sport. A takav kvalitetan odgovor samo mi poslanici smo dužni utvrditi i usaglasiti kako bi Kanton Sarajevo bio ponovo siguran za život svih njenih građana a ne samo grad siguran za život ljudi koji imaju oružanu pratnju i službenu zaštitu. Krajnje je vrijeme da se Skupština ovim ozbiljno i detaljno pozabavi e iz tih

razloga a i iz razloga što svi odgovaramo građanima koji su nas izabrali u ovo tijelo, tražim, tj zahtjevam hitnu tematsku sjednicu na kojoj bi se raspravljalo o sigurnosti u Kantonu Sarajevo, i na kojoj bi se donijeli prijedlozi koji bi našim građanima omogućili sigurniji život u našem Kantonu.”

Poslanik/zastupnik Mirsad Pindžo je postavio dva poslanička/zastupnička pitanja:

“Da li je Tužilaštvo Kantona Sarajevo provodilo istražne radnje i donijelo tužilačku odluku vezano za moguća počinjenja krivičnih djela u poslovima:

- provođenja postupka javne nabavke i zaključivanja ugovora na realizaciji projekta rekonstrukcije tramvajske pruge u Sarajevu,
- provođenje postupka javne nabavke i zaključivanja ugovora na realizaciji projekta rekonstrukcije prečistača Butila i
- poslovanje Javnog preduzeća ZOI '84 i dovođenje istog do ruba propasti.

Obrazloženje: “Sva tri “predmeta” u prethodnim godinama su bila predmetom pitanja, rasprava pa i zaključaka na sjednicama Skupština Kantona Sarajevo. Na bazi dostupnih informacija meni, a i javnosti, ostala je sumnja u počinjenje niza krivičnih djela. Obzirom da se radi o višemilionskim pa i desetina miliona teškim projektima i poslovima, građani Kantona Sarajevo imaju pravo da znaju da li je u ovim poslovima bilo nezakonitih radnji, a ako jeste ko je odgovoran i dokle se došlo u postupku procesuiranja odgovornih.”

Drugo pitanje:

Tražim da Vlada Kantona Sarajevo dostavi zastupnicima Skupština Kantona Sarajevo:

1. Izvještaj o realizaciji zaključaka Skupštine donesenih u povodu razmatranja Izvještaja o realizaciji projekta rekonstrukcije prečistača Butila, uključujući i kopiju potpisanog Ugovora o izvođenju radova sa odabranim izvođačem radova, i
2. Izvještaj o realizaciji sanacionog programa Javnog preduzeća ZOI '84, sa detaljnim izvještajem o utrošku kreditnih sredstava kako je to Skupština zaključila.

Obrazloženje: “Prilikom razmatranja Izvještaja o aktivnostima na realizaciji projekta rekonstrukcije prečistača Butila, Skupština Kantona Sarajevo je donijela između ostalih i zaključak da se zadužuje Vlada Kantona Sarajevo da Skupštini dostavi na verifikaciju ugovor o izvođenju radova. Prethodna Vlada Kantona Sarajevo nije ispoštovala zaključke Skupštine i nikada nije dostavila Ugovor ni na verifikaciju i odobrenje, kao ni kopiju na znanje. Ali time treba da se bave pravosudni organi, a ja se nadam da nova Vlada Kantona Sarajevo svojim činjenjem ili ne činjenjem neće biti saučesnik u nezakonitim radnjama pojedinaca kao prethodna. Prilikom odobravanja kreditnog zaduženja za sanaciju Javnog preduzeća ZOI '84, Skupština je obavezala Vladu Kantona Sarajevo i organe preduzeća da povremeno informišu Skupštinu o realizaciji sanacionog programa kao i detaljan izvještaj o utrošku kreditnih sredstava. Obzirom da je prema medijskim izvještajima kredit realiziran, da iz medija, od uposlenika kao i iz drugih izvora, dolaze kontradiktorne informacije o stanju u preduzeću da zakonski ne postoji i ne rade organi preduzeća Skupštine i NO, da se selektivno stranačko-nepotističko-jaranski odpuštaju višak uposlenika, bez obzira na potrebe preduzeća, nova nezakonita upošljavanja, povećanje dugovanja bez obzira na uspješnu zimsku sezonu i drugo, potrebno je da Vlada dostavi zvanične informacije o prednjem.”

Poslanik/zastupnik Zvonko Marić je postavio poslaničko/zastupničko pitanje: "Poznato je da se vrše stručni ispiti, odnosno održavaju stručni ispiti za profesore srednjih i osnovnih škola i da su na tim ispitima angažirani ljudi profesori sa fakulteta. Vi znate da kandidati plaćaju, finansiraju taj stručni ispit i da angažman tih profesora ne ide na teret Budžeta. Budući da smo dobili od tih profesorak od te grupe profesorak inicijativu da postavimo pitanje, postavljamo stoga pitanje: Gdje završava taj novac jer oni nisu plaćeni i na neki način time je blokiran proces održavanja stručnih ispita što je veoma velika šteta i sami znate za proces obrazovanja? Dakle kandidati sami plaćaju svoje ispite i nije na teretu budžeta ali ti profesori nisu plaćeni. Dakle nisu im isplaćene naknade za svoj angažman."

Poslanik/zastupnik Haris Pleho je postavio poslaničko/zastupničko pitanje ministru obrazovanja: "Prema mojim informacijama, u osnovnim školama i srednjim, postoji problem zapošljavanja nastavnika informatike na osnovu aktuelnog nastavnog programa i plana koji je propisao uslove, profil i stručnu spremu za izvođenje ovog predmeta. Ne postoji niti jedan obrazovni profil koji je naveden u aktuelnom nastavnom programu i planu da sada izlazi sa fakulteta. Npr. Diplomirani matematičar i informatičar ili diplomirani informatičar ne mogu na osnovu ovog propisa izvoditi nastavu jer nastavni program i plan nije usklađen. Postoji problem da preko 50% nastavnika informatike nema navedene uslove. Pitam Ministarstvo obrazovanja, kada će se izmijeniti dio nastavnog plana u dijelu obrazovni profil da bi se omogućilo svim ovim nastavnicima da legalno predaju i ne strahuju od inspekcije rada? Postavljam pitanje, dakle šta će ministar uraditi da se ovaj problem otkloni jer za narednu školsku godinu moramo stvoriti uslove da ovi kadrovi koji su osposobljeni a nisu u nastavnom programu i planu mogu izvoditi nastavu?"

Poslanik/zastupnik Rasim Smajić postavio poslaničko/zastupničko pitanje: "Šta će Vlada Kantona uraditi da sprovede pravosnažne izvršne sudske presude koje su zaposlenici tražili po osnovu kršenja radnog prava? Napominjem da je neizvršavanje sudskih presuda krivično djelo i za koje neko mora odgovarati. Znači imamo veliki broj sudskih presuda koje su izvršne. Šta će Vlada po tom pitanju uraditi u narednom periodu ili u ovoj godini, nije bitno kada već?"

Predsjedavajući je konstatovao da je iscrpljena lista prijavljenih za poslanička/zastupnička pitanja, te samim tim je iscrpljena i zadnja točka dnevnog reda.

Nakon realizacije posljednje tačke dnevnog reda, predsjedavajući Sejo Bukva je zaključio rad na Drugoj Hitnoj sjednici Skupštine Kantona Sarajevo u 15,20 sati.

Zapisnik izradila:
Jasminka Deliahmetović

SEKRETAR

PREDSJEDAVAJUĆI

SKUPŠTINE KANTONA SARAJEVO

SKUPŠTINE KANTONA SARAJEVO

Abid Kolašinac dipl. pravnik

Sejo Bukva